

ARLeF: apontament dopli a Contea 2021

La Agenzie Regjonâl pe Lenghe Furlane e sarà presinte a Gurize in ocasion de kermesse culturâl, dentri di Gusti Off

E je confermade ancje chest an la colaborazion tra la Agenzie Regjonâl pe Lenghe Furlane e il Comun di Gurize inte suaze di "Gusti Off", cemût che e je stade nomenade la edizion 2021 di Gusti di Frontiera. E torne cussì la presince plurienâl de ARLeF intal cjâf lûc dal Friûl orientâl. La Agenzie e sarà presinte, cun dôs iniziativis, dentri dal program di "Contea", contignidôr siôr di incuintris e iniziativis leterariis, par fevelâ dal teritori e des sôs specificitâts. Gurizie e je di fat une crosere di lenghis, e no dome, tra chês plui impuartantis de regjon e par cheste reson ancje lûc ideâl par discuti di plurilinguism, storie e culture.

Il prin apontament al è in program **vinars ai 24 di Setembar, aes 16.00, li dal foyer "Macedonio" dal Teatri Giuseppe Verdi di Gurize**. In chê ocasion, si tache cul libri che al da il titul al incuintri "Il Friûl vie pai secui" (Corvino Edizioni, 2021), i autôrs Walter Tomada e Fausto Zof, moderâts di William Cisilino, diretôr de ARLeF, cun Michele Calligaris dal Sportel Regjonâl pe Lenghe Furlane, a fasaran cognossi al public chel toc di storie dal cjâf luc dal Friûl orientâl che no si à mai lete tai libris di storie. L'incuintri al è di fat sottitulât: "Gurize, là che il Friûl si vierç a la Europe".

Al sarà simpri Calligaris, **sabide ai 25 di Setembar aes 16.30 inte sale Dora Bassi**, a fevelâ di "Gurize: une storie, tantis lenghis. Pluralism linguistic e culturâl di une impuartante crosere de Europe". E sarà la ocasion par ricuardâ Gurize tant che lûc là che si cjatin e si incrosin une vore di lenghis, là che il plurilinguism e je la realtât di simpri, une citât che e je teatri di une storie che i à dade une gnove muse a dute la Europe e che par dut il Paîs e je une parte vierte bande l'Est.

Jentrade libare fin che si esaurissin i puescj.

Gurize, ai 21 di Setembar dal 2021

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<